

Intercambio di Musica di Folklore di Aruba, Boneiro y Corsou

DEN cuadro di celebracion di 10 aña di existencia di Fundacion Mi Cutisa (FMC), e organisacion cultural aki a firma un protocol hunto cu Fundacion Ced pa Semper di Corsou y Fundacion Sabor Crioyo di Boneiro. Pa e proyecto aki lo bay traha hunto tres (3) fundacion, tres (3) cantante y tres (3) grupo tipico for di e unico islanan den mundo cu ta papia Papiamentu.

Dia 16 di november 2014 ta un dia historico, ya cu un fundacion for di e islanan di Aruba, Boneiro y Corsou a topa otro na cas di e conocido cantante Ced Ride na Corsou.

Aki e fundacionnan hunto cu e cantantenan Ced Ride, Wesley St. Jago y Jossy Brokoke a discuti un proyecto di intercambio cultural cu mester tuma lugu otro aña riba tur tres isla. Intencion di e proyecto aki ta pa

organisa un concierto cu musica di folklore di e tres islanan cu un presentacion di e tres cantantenan ya menciona. E prome presentacion lo tuma lugu na maart 2015 na Aruba. Meymey di aña 2015 Boneiro lo organisa e concierto y na fin di aña 2015 e presentacion lo ta na Corsou. Na ocasion di firmamento di un convenio entre e tres fundacionnan, tambe tabata presente director di Fundacion Kas di Kultura Korsou sr. Gubi Bacilio y presidente di e fundacion, sra. Altagracia Bryson.

For di Boneiro tambe tabata presente sr. Robert Sances, kende lo ta e coordinador general pa Boneiro, hunto cu Zugeli Marchena kende tambe ta forma parti di e grupo di trabou na Boneiro. Jossy Brokoke di Aruba tambe a firma e protocol.



Awor tur tres cantante ta bay hinca nan show den otro pa asina trata di trece e mihó presentacion di musica di folklore di nan isla dilanti. Tur tres can-

tante ta compositor tambe y tur nan presentacionnan lo ta den e idioma cu ta uni e islanan ABC, esta Papiamentu/u. E entusiasmo di parti tur pre-

sente tabata grandi y e "Concierto ABC" aki ta promete di bira algo unico cu lo bay duna realse na nos idioma Papiamentu/u.